

Dieđahus 17.1.2014

Oažžu almmustahttit dalán

Sámi Grand Prix

Sámi Grand Prix lea sámi lávlun- ja juoigangilvu, mii lea lágiduvvon jagi 1990 rájes. Gilvui oassálastet sámemusihka dáiddárat nu Norggas, Ruotas, Suomas go Ruoššasge. Gilvu lágiduvvo Norgga Guovdageainnus beassáziid áigge ja dan ordnemiin vástida Samiskmusikfestival–searvi. Sámi Grand Prix –gilvvus leat guokte sierra luohká; árbevirolaš musihkka almmá čuojaldahttima sihke lávlun.

Sámi Grand Prix árbevirolaš musihka (almmá čuojaldahttima) dahjege nu gohčoduvvon juoiganoasi rátkkagilvvohallamat lágiduvvojit dán jagi Norgga lassin maid Suomas, Ruotas ja Ruoššas. Guhtege riikkas okta juoigi oažžu báikki Sámi Grand Prix-finálas, man lassin duopmárat välljejit finálai 6 juoigi dain, geat leat almmuhan iežaset mearreáigái. Almmuhanáigi Sámi Grand Prix-gilvui nohká 26.1.2014 dmu 23.59. Almmuheami oktavuodas gilvaledji doaimmaha juryi čájánasa gilvobihtástis. Suoma oassegilvvu vuoti sádde gilvobihtás oassegilvvu maŋŋá. Sámemusihkkaguovddáš veahkeha oassegilvvu vuoti luođi vurkemis dahjege báddemis ja vurkejuvvon luođi sáddemis sihke buot gilvui guoski áššiin. Gilvvu finála lágiduvvo Báktechárjji Guovdageainnus beassáslávvardaga.

Sámi Grand Prix juoiganoasi Suoma oassegilvvu njuolggadusat

- o Gilvu lágiduvvo Anáris, Sámekulturguovddáš Sajosis 6.2.2014 dmu 19.30 rájes.
- o Gilvui ávžžuhuvvo almmuhit ovddalgihtii, muhto gilvui sáhtta maid almmuhit báikki alde dmu 16.00-18.00 gaskkas.
- o Gilvaledji galgá juoigat rátkkagilvvus 2-4 luođi
- o Juoigangilvui sáhtta oassálastit maid anáraš livdein sihke nuortalaš leu´ddiin
- o Gilvui oassálasti galgá leat uhcimustá 16-jahkásaš.
- o Juoiganoasis eai geavahuvvo instrumeanttat
- o Plagiáhtat eai dohkkehuvvo
- o Gilvaledji dahje lágideaddji ii dárbaš almmuhit oassegilvvu luđiid ovddalgihtii
- o Duopmárat leat golbma, main uhcimustá guovttis galgaba leat juoigama áššedovdit. Okta duopmáriin doaibma duopmáriid ságajodiheddjin.
- o Duopmárat árvvoštallet loaiddasteaddji heivvolašvuoda oassálastit Sámi Grand Prix -juoiganfinálai Guovdageainnus
- o Vuoti lassin duopmárat välljejit olbmuid 2. ja 3. sadjái
- o Jos vuoti lea eastašuvvan oassálastimis Guovdageainnu juoiganfinálai dahje ii doaimmat čájánasa luodistis välljenjuryi ovddalgihtii, ovddasteaddjin välljejuvvo oassegilvvus nubbin boahtán gilvaledji
- o Bálkkašupmin lea báiki Sámi Grand Prix -juoigangilvvu finálas sihke festiválapássa Guovdageainnu beassásfestiválai.
- o Sámi Grand Prix buhte oassegilvvus olggobeallái báhcán finalistta mátkke -ja idjadangoluid
- o Dasa lassin vuoti bovdejuvvo loaiddastit borgemánus Anárii Ijahisidja 2014 -eamiálbmogiid musihkkadáhpáhussii

Sámi Grand Prix 2014 njuolggadusat

- o Ahkerádjá Sámi Grand Prix -gilvui oassálastimii lea 16 jagi
- o Juoiganoasis eai geavahuvvo instrumeanttat
- o Plagiáhtat eai dohkkehuvvo
- o Oassálastinbihtta ii oaččo leat almmustahtton ovdal
- o Buot finálabihtat jietnatestejuvvojit ovddalgihtii sihke almmustahttojit maŋŋá Sámi Grand Prix -skearrus
- o Sámi Grand Prix –juoiganfinála vuoti oažžu 20.000 NOK bálkkašumi. Dasa lassin Samiskmusikfestival bovde vuoti doallat juoigankonseartta Guovdageainnus čuoovvoš jagi skilleduorastaga. Juoigankonseartta loaiddastanbálká lea 30.000 NOK.
- o Sámi Grand Prix -juoiganfinála 2. saji bálkkašupmin lea 7500 NOK ja 3. saji 3000 NOK

Lassediehtu ja almmuheamit Suoma oassegilvui:

Anu Magga
Plánejeaddji
Sámemusihkkaguovddáš
anu.magga@samediggi.fi
tel. + 358 50 567 2204

Lassediehtu Sámi Grand Prix -gilvvus:

www.samieasterfestival.com